

Tau kev txhawb nqa rau pej xeem rau community health workers



Community health worker [CHW] (Cov neeg ua hauj lwm txog fab kev noj qab haus huv hauv lub zej zog) thoob plaws Wisconsin txhua leej yeej paub txog qhov kev cuam tshuam mus rau sab zoo uas lawv ua rau cov zej zog uas lawv pab cuam ntawd. Tu siab kawg, muaj coob leej tsis paub tias lawv muaj tus phooj ywg uas ntseeg siab tau txog lawv txoj kev noj qab haus huv thiab kev noj qab nyob zoo nyob kiag hauv lawv lub zej zog tos los pab lawv lawm. Qhov no ua rau CHWs tsis muaj kev txhawb nqa rau pej xeem thaum cov thawj coj hauv nom tswv thiab feem hauj lwm ntiag tug yuav los txiav txim siab txog kev pab nyiaj. Yog li ntawd, peb xav tau txhua leej lub suab kom peb thiaj li sau ua ke tau kom muaj lub suab nrog thiab sib tham mus txog txhua cov kev siv zog uas community health workers tab tom ua los pab txuas lawv cov zej zog mus rau kev saib xyuas kev noj qab haus huv thiab cov kev pab cuam zej tsoom uas lawv yuav tsum tau muaj kev loj hlob tuaj. Qhov cuab yeej no tau txais kev tsim tawm los rau lub hom phiag ntawd nkaus xwb!

Community health worker qhov cuab yeej txhawb nqa pej xeem

Qhov cuab yeej hauv qab no muab tau cov ntaub ntawv uas community health worker tuaj yeem siv tau los ua kom pej xeem muaj kev paub zoo thiab muab kev kawm rau pej xeem hais txog koj txoj hauj lwm tseem ceeb. Qee cov ntaub ntawv yeej npaj txhij yuav siv tau lawm, tab sis qee yam tseem yuav muab kho kom haum rau koj tsab lus kom txawv lwm tus. Siv yam uas siv tau zoo tshaj plaws rau koj, tab sis txhob ua siab deb los kho cov ntaub ntawv uas peb tau muab los ua tus qauv no kom haum. Cov ntsiab lus ntawm qhov cuab yeej no suav muaj:



Peb yog tib phab ntawv CHW

Siv qhov no txhawm rau los ua kev nthuav qhia ua ntej rau cov neeg uas xav paub hais txog CHW thiab yam uas lawv ua. Luam tawm los, tshaj tawm, los sis xa email mus!



Daim ntawv qhia txog kev faib qhia mus

Tau txais cov lus qhia thiab cov kev coj ua zoo tshaj plaws txog txoj hau kev yuav mus cuag rau koj lub zej zog thiab xa koj tsab lus tawm mus kom neeg paub.



Cov ntawv tshaj xov xwm ntawm community health workers

Siv daim ntawv tshaj tawm uas tuaj yeem kho kom haum li yus los nthuav qhia tus CHW tshwj xeeb los sis siv daim ntawv tshaj qhia uas ua tiav npaj siv tau lawm los ua kom muaj kev paub zoo thuj pais hais txog tias CHW yog leej twg thiab lawv ua dab tsi. Luam lawv tawm los thiab muab tshaj qhia mus rau txhua qhov uas koj yuav ua tau!



Hauv Facebook

Siv qhov no los pab ua kom muaj kev paub zoo thiab qhia txog koj txoj kev txhawb nqa nyob kiag ntawm koj daim duab qhia txog tus kheej. Thov kom koj cov phooj ywg thiab tsev neeg ua raws li ntawd!



Cov kev tshaj tawm rau hauv xaus saus rau hauv Facebook los sis Instagram

Siv cov no los ua kom koj nkag cuag tau rau lawv hauv xov xwm xaus saus. Faib qhia txog koj cov zaj dab neeg uas ua tiav thiab txhawb siab rau koj cov neeg tau kev pab los faib qhia txog lawv cov kev paub dhau los uas zoo heev. Koj yuav siv tau cov ntawv uas muab los ntawd los sis tsim koj tsab lus tshab ntawm koj tus kheej tau. Nco ntsoov txhawb siab kom nyiam thiab sias tawm mus!



Daim duab nyob tom qab ntawm lub Zoom

Siv daim duab rau tom qab no los ua kom paub zoo thiab qhia txog koj li kev txhawb nqa nyob rau hauv cov rooj sib tham hauv Zoom nrog cov neeg tau kev pab, cov neeg ua hauj lwm ua ke, tsev neeg, los sis cov phooj ywg.

